



## عبرة عباده قربان

30 جون 2023 | 11 ذو الحجة 1444هـ

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ. وَنَعُوذُ بِاللَّهِ  
مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا. مَنْ يَهْدِهِ اللَّهُ  
فَلَا مُضِلَّ لَهُ، وَمَنْ يُضِلَّ فَلَا هَادِيَ لَهُ.

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ  
أَنَّ سَيِّدَنَا مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ  
عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنْ تَبِعَهُمْ  
بِإِحْسَانٍ إِلَى يَوْمِ الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ وَأَوْصِيكُمْ وَإِيَّايَ  
بِتَقْوَى اللَّهِ، فَقَدْ فَازَ الْمُتَّقُونَ.

ماريله کیت برساما-سام منیغتکن کتقوان کقد الله  
دغن ملقساناکن سکالا فرینتهش دان منیغکلکن  
سکالا لارغش. موده-مودهن کیت دبرکتی دان

دریضای الله ﷺ ددنیا دان اخره.

سیدغ جمعه یغ درحمتی الله ﷺ

عباده قربان مروفاکن سنه یغ دلاکوکن اولیه نبی  
ابراهیم علیه السلام سهیغک دشریعتکن کقد نبی  
محمد ﷺ. عباده این برمولا سلقس صلاة سنه  
هاری رای عید الأضحی قد 10 ذو الحجة دان  
هاری ۲ تشریق 11, 12 دان 13 ذو الحجة. فینشریعتن  
عباده قربان تله دفرمانکن اولیه الله ﷺ دالم القرءان  
منروسی سورة الحج ایات 34:

أَعُوذُ بِاللَّهِ مِنَ الشَّيْطَانِ الرَّجِيمِ

وَلِكُلِّ أُمَّةٍ جَعَلْنَا مَنْسَكًا لِيَذْكُرُوا اسْمَ اللَّهِ  
عَلَىٰ مَا رَزَقَهُمْ مِنْ بَهِيمَةِ الْأَنْعَامِ فَإِنَّهُمْ  
وَاجِدُونَ فَلَهُ أَسْلِمُوا وَبَشِّرِ الْمُخْبِتِينَ ﴿٣٤﴾

یغ برمقصود: دان باکی تیاف ۲ اومت، کامی  
شریعتکن عباده مپمبلیه قربان (اتاو لاین-  
لاین) سوفاي مریک مپوت نام الله سباکای

برشکور اکن فغورنياءنث کفد مريک (بيناتغ ۲  
 ترنق یغ دسمبليه ایت). توهن کامو سموا اياله  
 توهن یغ مها اسا، مک هندقله کامو توندوق  
 طاعة کفدث دان سمفایکنله بریتا کمبیرا (واهاي  
 محمد) کفد اورغ یغ توندوق طاعة.

عبادة قربان این امت دسوکاي اولیه الله ﷺ. سبدا  
 رسول الله ﷺ دالم حدیث یغ دروايتکن اولیه امام  
 الترمذي،

یغ برمقصود: تیدق اد عملن یغ دلاکوکن اولیه  
 انق آدم قد هاري النحر (رای عید الأضحی) یغ  
 لبیه دچیتتاي اولیه الله سلاءین درقد منومفهن  
 داره (بيناتغ قربان). سسوغکوهن اي اکن داتغ  
 قد هاري قیامة دغن تندوقش، بولوڤ دان کوکوڤ  
 دان سسوغکوهن داره ترسبوت اکن سمفای  
 کفد ریضا الله ﷺ سبلوم اي جاتوه کبومي.  
 مک، برسیهکنله جیوا کامو (دغن برقربان).

سیدغ جمعة یغ درحمتي الله ﷺ

فيليهله بيناتغ ترنغن يغ فاليع باعيق اونتوق دقربانكن،  
 بوكن بيناتغ يغ تر لالو كوروس، چاچت اتاو ساكيت  
 سرتا يغ تيدق صح اونتوق دبوات قربان. رسول  
 الله ﷺ سنديري ميمبليه قربان دوا ايكور كيس يغ  
 ترباعيق. سبدا نبي ﷺ دالم حديث يغ دروايتكن اوليه  
 امام البخاري دان مسلم:

أَنَّ النَّبِيَّ أَنْ يُضْحِيَ بِكَبْشَيْنِ أَمْلَحَيْنِ أَقْرَنَيْنِ  
 وَيُسَمِّي وَيُكَبِّرُ وَيَضَعُ رِجْلَهُ عَلَى صِفَاحِهِمَا.

يغ برمقصود: اداله نبي ﷺ بر قربان دغن دوا  
 ايكور كيسش فوته يغ برتندوق، لالو بكيندا  
 معوچقكن نام الله دان برتكبير، دان بكيندا  
 ملتقن كاكيث دلمبوغ كدوا كيسش ترسبوت  
 (ساعت ميمبليه).

سيدغ جمعة يغ درحمتي الله ﷺ

فشريعتن عبادة قربان اداله تندا كفاتوهن كيت كقد  
 الله ﷺ. تنفا فغوربانن، سام اد جيوا دان هرتا بندا،

تيدق موغكين شريعة الله ﷺ داقت دتکقکن . سجاره  
 فغوربانن اکوڭ نبي إبراهيم عليه السلام يڭ سغکوف  
 ميمبليه انقش نبي اسماعيل عليه السلام دان کصبرن  
 يڭ دتونجوقکن اوليه نبي اسماعيل عليه السلام يڭ  
 مريلاکن ديريش اونتوق دقربانکن سرتا کقاتوهن  
 سיתי حجر عليها السلام کقد سواميش نبي إبراهيم  
 اونتوق تيغکل برسام انقش نبي اسماعيل دتانه کرسغ  
 مکه . اين اداله سمات-مات کران منجونجوڭ فرينته  
 الله ﷺ يڭ مها اسا .

بيراف فغاچرن لاءين بوليه دامبيل ملالوئي فنشريعتن  
 عبادة قربان انتاراش :

فرتام : سباکاي تندا کطاعتن سآورغ همبا کقد الله ﷺ .

کدوا : منديديق ديري کيت سوڭاي برصبر مغهادهڭي  
 اف جوا اوچين دغن سنتياس برسره دان برتوکل کقد  
 الله ﷺ .

کتيک : مغيکيس صفة طمع دان موجودکن صفة موره  
 هاتي اونتوق ميمبلنجاکن هرتا قد جالن الله ﷺ .

ماريله کیت برساما-سام منچونتوهی فثوربانن نبی  
 ابراهیم، نبی اسماعیل دان ایستری بکیندا سیتی حجر  
 علیهم السلام یغ سغکوف مندهولوکن فرینته الله  
 ﷺ درقد کهدق دان کشتیغن فریادی مریک. اولیه  
 ایت، کیت هندقله برانی بر قربان منیعکلکن کشتیغن  
 قولیتیک، فریادی دان لاین ۲ دمی منجاک اگام دان  
 ممبیل او مت اسلام خصوصش بغسا ملایو. هنتیکنله  
 قربالهن دان فرسغکیتان قولیتیک یغ بولیه مروکیکن  
 او مت اسلام دنکارا این. برساتوله اتس کشتیغن مپیبر  
 دان ممفرتاهنکن اگام الله ﷻ.

أَعُوذُ بِاللَّهِ مِنَ الشَّيْطَانِ الرَّجِيمِ

بِسْمِ اللَّهِ الرَّحْمَنِ الرَّحِيمِ

إِنَّا أَعْطَيْنَاكَ الْكَوْثَرَ ﴿١﴾ فَصَلِّ لِرَبِّكَ وَأَنْحَرْ

﴿٢﴾ إِنَّ شَانِئَكَ هُوَ الْأَبْتَرُ ﴿٣﴾

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ  
 بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلْ مِنِّي وَمِنْكُمْ

تِلَاوَتُهُ، إِنَّهُ هُوَ السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ  
الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ،  
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.